

mittatur, quæque testis sit substantia, obseruare. Atque hæc primum in uno quidem teste, dein in altero sunt examinanda. Quippe uix prima fronte hæc omnibus erunt obuia, quum hæc nemo hæc affectus fuerit. Vnde etiam eadem administratione perpetuo non est utendū, sed quum commemoratam in dextro teste tentaueris, integrum tibi erit sinistrum tuo arbitratu aggredi. Examinatis ad hunc modum testibus, ipsorumque nihil reiecto, penis musculi & ipsius corpora, deinde uesica & urinarij meatus, & reliquos semen deferentiū uasorum ductus, inferioque cum adenofo assistente, & omnium uenis, arterijs, & neruis secunda ueniunt. Diductis itaque cadaueris cruribus, & cute uti monuimus ab inter femineo adempta, primum duos musculos ab orbiculari musculo recti intestini in penis radicem, & potissimum in meatum urinæ seminiq; communem pertinentes aggredieris. dein alios duos, qui ab humiliore pubis ossium

*Penis musculi  
forma exam.*

*Penis corporum  
ortus, uenarum, arte  
riarum, et ner  
uorum huc per  
uenientium exa  
men.*

*Pubis ossa qui  
dirimenda.*

*Urinarij meatus  
ad uesicam, & uas  
orum semen de  
ferentium ad  
glandosum ue  
sicæ corpus exa  
men.*

*Cause & ar  
teriarum magne  
distributionis  
sub osse sacro.*

*Musculi cer  
uicis uesicæ, ip  
siusque uesicæ  
fundus et cerui  
cis examen.*

*Penis corpo  
rum.*

*Recti intesti  
ni musculi.*

sede originem ducentes penis corporibus inferuntur, adimes, ac ilico penis corporum origi nem examinabis, acuto cultello dextrum corpus ab osse unde pronascitur, quam poteris proxi me diuidens. Deinceps uero in penem excurrentibus uenis, arterijs & neruis per functione hic perpenis, ossa pubis inuicem sunt seiungenda. quod fiet ocyus, si uesicæ corpus a peritonæi parte pubis os succingente, cultello diremeris, & deinde cultro quam minime crasso pubis os sium cartilaginem recta sectione penitus diuiseris. Nouacula enim quum crassior sit, illi offi cio non æque est accommoda. Mox uno cadaueris crure in mensa relicto, & alio ab illa propen dente, ita cadauer in mensa reclinabis, ut ipsius os sacrum mensæ lateri incumbat, & ui diductis cruribus, ad trium quatuorue digitorū latitudinem pubis ossa inuicem seiungas. parum enim apte feceris, si pubis ossium portionē exemeris, quod id & fiat incommode, & præter alia mul tos ita uitaueris musculos, neque ullus postmodum ossium usus ad seleti præparationem fu turus sit. Quapropter pubis ossium cartilagine dissecta, & dein ipsis ossibus ui diremptis, pri mum a renibus urinarij meatus a suis membranis quibus obuoluuntur sunt liberandi, atque ad uesicæ usque corpus perducendi: deinde uasa semen deferentia quæ ad pubis ossa deorsum in peritonæi amplitudinem reflectuntur, pari modo ad glandosum assistentem usque ex pin guioribus quibus integuntur membranis denudandi, atque in eo opere sodalis manu uesicam modò in dextrum, modò in sinistrum comprimere est necessum, idque maxime quum uenæ cauæ & magnæ arteriæ seriem hac in sede inquires. Hæc nanque iam uenit expendenda, ac primum rami quos uena & arteria lumborum uertebri & spinæ, abdominisque musculis & peritonæo exporrigunt, qui omnes sunt reperti faciles, si uenam & arteriam nunc in hoc, nunc in illud la tus ualidius reflectas, & neruos qui sub illis feruntur obtuso cultello quoque inquiras, ac de mum ad ipsorum quibus inferuntur organa deducas: illos dico, qui testibus & uesicæ fundo exporriguntur. Porro rami uenæ ac arteriæ post ipsarum super os sacrum bipartitionem ex currentes, in cōspectum uenient, si radicibus semper animum adhibueris, & cultello retusiori, ne ramorū aliquem uities, ipsorum sequaris processum ductumque: & id eo leuiori præstiteris negotio, quo nostras uasorum delineationes diligentius operi accommodaueris. Verum ubi hæc diligenter eris intuitus, sinistrum penis corpus a pubis osse etiam dirimito, & quam po teris commodissime uesicam, ipsiusque ceruicem a recti intestini termino, cui fortium librarum interuentu hæret, diuidito, abscis inter uenis & arterijs in uesicā penemque excurrentibus: quas si prius uinculis sorte interciperes, parum profecto sectioni obesses. Vesicam modò simul cum pene exemptam, alteri cruri aut asserculo impones, & denuo seminalis uenæ ac arteriæ du ctum uersus testem, & a teste dein semen deferentis uasis ad glandulosum assistentem progres sum obseruabis, quo denuo exactius seminalium uasorum harmoniam expendas. Post hæc musculum uesicæ meatui præfectum examinabis, & oblongiori stylo penis glandi ad uesicæ usque fundum imposito, uesicæ meatum a glande ad ipsius usque fundum cultello secundum stylum porrecto diuides, ut simul uesicæ cauitatem, & ipsius tunicā, & urinam deferentium meatuum insertionem, & semini urinæque communem meatum peni exporrectum intuearis. Alicubi igitur urinarij meatus ex renibus in uesicam pertinentem forato, stylumque ad uesi cæ fundum usque indito, ut membranulas meatus illius ori in uesicæ fundo connatas species, quamquam etiam integrum sit, ex uesicæ fundo stylum ipsius meatibus indere. Corpus uero glandosum semen deferentium uasorum suscipiens implantationem, ut lubet poteris discin dere, & quo nam pacto ea uesicæ meatui immittantur perquirere. Postremo uesicæ ceruicem a duobus penis corporibus ad glandem usque cultello secernes, ac deinde duo corpora quoad poteris inuicem dirimes, quamque habeant formam, quæque natura ad glandem sint prædita con spicies. Ut uero adamussim ipsorum discas substantiam, peni nunc transuerfas, nunc longas, rectas ue sectiones induces. Reiecta modò cum suis appendicibus uesicæ, tres recti intestini mu sculos, & uenas examinabis, quæ a portæ uena huc deducuntur, & quæ cauæ hac in parte sunt soboles.

soboles. Vbi id quoque præstiteris, recti intestini finem ex corpore exsectum abijcies. Deinde cauiam uenam qua primum sub iecore conspicitur, & magnam arteriam qua septum transit, deinde ipsarum præcipuos ramos crus aducentes uinculo duplici intercipientes, ut simul cum re nibus si adhuc eos in corpore reliqueris, uenas omnes, arteriasque ex uentre auferre liceat. ita enim peritonæi discos ortum, & musculos & neruos quoque crus petentes, si fortassis illos postmodum aggredi statueris, in corruptiores longè habiturus eris. Iecur autem, ut & antea di xi, tantisper illatum seruandum est, quousque cor respirationisq; organa administraueris. Atque hæc quidem organorum nutritionis, generationisq; in uiro est administrandi ratio, in muliere uero erit huiusmodi. Primum mamillarum uisurus naturam, in cute ab ipso iugulo deorsum (ut in uiris) ad umbilicum ducenda est sectio: deinde a iugulo secundum clauiculā alia ad sum mum usque humerum, cutisq; a mamillis non aliter ac si in alia corporis sede, ea ab adipe diui deres, uenit liberanda. Mamillis cute detectis, & uenarum ramis qui a uenis in brachiū excur rentibus illis porriguntur, perpenis, dextram mamillam a musculo brachiū pectori adducen te auferro, uenarum arteriarumque examinans propagines, ab illis quæ musculis thoraci in cum bentibus deriuantur, in mamillam assurgentes. Vbi mamillarum corpus a thorace fuerit libe rum, & adeps undique studiofissime ademptus, & uarijs per mamillarum corpus ductis sectionibus ipsarum substantiam condiscere licebit. Quamquam hæc quoque in uiro inquiri poterunt, is nanque si colore fusco & habitu sit obefiori, eandem quoque ostendet substantiā. Deinde & uenæ quoque & arteriæ sub rectis latitantes musculis, pari modo in ambobus, etiam si magis in muliere expendentur, reliquaque administratio ad uasorū usque seminalium ortum cōmunis mulieri quoque censenda est. Simulatque igitur mulieris seminaliū uasorum originem didiceris, solis manibus adinueniendus est uterus & uesica, insuper testes & musculi & uenæ quoque cum arterijs uteri fundo & ceruici exporrectæ, priusquam scilicet aliquid diuidas. De inde diductis cruribus a pubis osse utrinque secundum pudendi colliculos sectio in cute ad po dicem usque ducenda est, ut deinceps inguina aliquousque opportunè cute denudentur: & ea quæ in medio sectionibus intercipitur, uersus pudendum quoque a pubis ossibus separetur, uuluaque adhuc appensa maneat. Pubis uero ossium cartilaginem, ut in uiris faciendum præce pi diuides, ac illis inuicem quam poteris maxime ui diremptis, mox cultello uenam ac arteriam seminales dextri lateris ad testem usque ex pingui cui obducuntur membrana nudabis, obser uans ne ramos ab illis priusquam anfractus suos constituent, in elatiorem fundi uteri sedem exporrectos uulneres. Postquam uero ad testem anfractus deduxeris, perinde ac in uiris ipso rum insertionem & deferentis uasis processum, ipsiusque in uterum insertionem, & testis sub stantiam formamque examinato, uas illud ex pingui cui inhaeret membrana liberans, quæ ue sperdilionum alis imagini multum accedit. Postquam hæc in altero quoque latere obseruaue ris, animum adhibebis uenis ac arterijs inferiorem uteri fundi sedem, & ceruicem, uesicamque adeuntibus, quæ in grauidis animalibus accuratissime, ut & illi qui a seminarijs uasis in uterū porriguntur, utque etiam omnia uteri reliqua in conspectum ueniunt, quandoquidem in illis su pra modum uenæ arteriæque turgent. Urinarij meatus a renibus in uesicam pertinentes, simili ter ac in uiris ad uesicam usque a suis membranulis sunt emundandi, & deinceps uterus cum uesica ex corpore eximendus, dissectis in ipsum & uesicam procedentibus uenarū arteriarum & neruorum ramis, & membranulis uterum uasque illa continentibus, & fibris quoque quorum interuentu uteri collū intestino recto ualide continuatur unā amputatis. Exempli iam uteri for mam contemplaturus, ipsius ceruicem inuolues, quo unā uesicæ ceruicis in illum pertinentis foramen, & uteri fundi orificium citra aliam sectionem uideas, & modò opportunè uesicam & ipsius ceruicis musculumque urinæ meatui præfectū longa sectione diuidas, uesicæ amplitudinē & urinariorū meatuum insertionem, ipsiusque ceruicis cum uteri ceruice coalitum inspecturus. Insuper uteri quoque ceruicis eodem modò ad illius usque os longam sectionem inferes, ac acu tiori nouacula uniuersum uterum secundum latera ab ipsius orificio ad cornua usque diuides. ita enim illius sinum, substantiam, formamque exactissime cōtemplaberis. Porro si interdum gra uidæ mulieris cadauer nactus, & uterū duntaxat cum fetu, ipsiusque inuolucris intueri, animus fuerit, ilico a mucronata pectoris ossis cartilagine, ad pubis usque os acutiori nouacula sectio nem molieris, quæ peritonæum quoque penetrat: deinde aliam utrinque ab umbilico ad illa molieris. Hæc namque ratione ilico se uterus spectandum offeret: & si in alterum latus illum de truseris, uenæ & arteriæ ipsi insertæ supra modum apparebunt turgidæ, adeo ut ipsarum neque series neque ortus citra aliam administrationem latere possint. His itaque uenis & arterijs unā cum uena & arteria sub recto musculo conscendentibus, diligenter obseruatis, leuem sectionem nouacula secundum uteri longitudinem tentabis, cauens ne altius quam uteri est crassities pe

*Peritonæi or  
tus examen.*

*Quismodi di  
clariū partium  
administratio  
in muliere sit.  
Mamillarū  
examen.*

*Uteri ac uesi  
cæ situs qui ob  
seruandus.*

*Seminaliū ua  
sorum examen.*

*Uteri ac cer  
uicis humilio  
rem sedem &  
ceruicis peten  
tium.*

*Urinariorū  
meatum.*

*Fœtus ipsius  
que inuolucra  
rum examen.*

Aa 3 nctres.